



JABATAN HAL EHWAL AGAMA ISLAM PULAU PINANG

TEKS KHUTBAH JUMAAT BAGI BULAN JUN 2020M

TAJUK:

CEGAK KEBAKARAN, ELAK KESENGSARAAN

TARIKH DIBACA:

4 Zulkaedah 1441H/ 26 Jun 2020M

Disediakan oleh:

Bahagian Dakwah, JHEAIPP



“CEGAH KEBAKARAN, ELAK KESENGSARAAN”

(4 Zulkaedah 1441H/ 26 Jun 2020M)

الْحَمْدُ لِلَّهِ الَّذِي شَرَّفَ الْأَنَامَ بِصَاحِبِ الْمَقَامِ الْمَحْمُودِ. وَكَمَّلَ السُّعُودَ بِأَكْرَمِ الْمَوْلُودِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ الْمَبْعُوثُ رَحْمَةً لِّلْعَالَمِينَ وَشَفِيعًا فِي الْيَوْمِ الْمَوْعُودِ. اَللّٰهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ الرَّكَّعِ السُّجُودِ الْمُؤَفِّينَ بِالْعُهُودِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ، فَقَدْ فَازَ الْمُتَّقُونَ

Sidang Jumaat yang dirahmati Allah SWT,

Marilah bersama-sama kita meningkatkan ketakwaan kita kepada Allah SWT dengan bersungguh-sungguh melaksanakan segala titah perintah-Nya dan menjauhi segala larangan-Nya. Mudah-mudahan kita mendapat keberkatan dan keredhaan Allah SWT di dunia dan di akhirat.

Menjaga keselamatan dan mengelak daripada kecelakaan atau bencana adalah suatu tuntutan dalam Islam. Malah ia juga termasuk dalam *Maqasid al-Syariah* berkaitan aspek memelihara nyawa, harta, dan keturunan. Justeru, bersempena dengan Sambutan Hari Anggota Bomba Sedunia pada tahun ini, bicara mimbar pada hari ini bertajuk :
“Cegah Kebakaran, Elak Kesengsaraan.”



Sidang Jemaah Yang Berbahagia,

Kita sering kali mendengar ungkapan ‘*api semasa kecil menjadi kawan, apabila besar menjadi lawan*’. Ia memberi makna bahawa api bukan sahaja amat penting dan bermanfaat kepada manusia, tetapi juga sebenarnya boleh mengundang bencana dan kecelakaan sekiranya tidak terkawal. Hakikat ini disahkan melalui rekod Jabatan Bomba Dan Penyelamat Malaysia yang mencatatkan ribuan kes kebakaran sehingga menyebabkan kecederaan dan kematian serta kerugian harta benda.

Ketika ditimpa bencana, sebahagian dari kita akan menunding jari ke arah pihak lain atau menyalahkan kejadian alam. Pernahkah kita menginsafi bahawa bencana tersebut barangkali disebabkan kesalahan dan kecuaiian yang dilakukan oleh tangan-tangan kita sendiri? Allah SWT berfirman dalam Surah al-Syura, ayat 30-31:

أَعُوذُ بِاللَّهِ مِنَ الشَّيْطَانِ الرَّجِيمِ
وَمَا أَصَابَكُمْ مِّنْ مُّصِيبَةٍ فَبِمَا كَسَبَتْ أَيْدِيكُمْ وَيَعْفُوا عَنْ كَثِيرٍ ﴿٣٠﴾
وَمَا أَنْتُمْ بِمُعْجِزِينَ فِي الْأَرْضِ وَمَا لَكُمْ مِّنْ دُونِ اللَّهِ مِن وَلِيٍّ وَلَا نَصِيرٍ ﴿٣١﴾

Maksudnya: “Dan apa jua yang menimpa kamu dari sesuatu kesusahan (atau bala bencana), maka ia adalah disebabkan apa yang kamu lakukan (daripada perbuatan-perbuatan yang salah dan berdosa), dan (dalam pada itu) Allah memaafkan sebahagian besar daripada dosa-dosa kamu. Dan kamu tidak akan dapat melemahkan kuasa Allah (daripada menimpakan kamu dengan bala bencana, walaupun kamu melarikan diri di mana sahaja) di muka bumi (atau di langit); dan kamu juga tidak akan beroleh sesiapa pun selain Allah sebagai Pelindung atau Pemberi pertolongan.”



Hadirin Jumaat Yang Dikasihi Sekalian,

Segala yang berlaku itu adalah ketentuan dan takdir daripada Allah SWT. Namun begitu, setiap yang berlaku itu ada sebab-musabab yang menjadi puncanya. Antara punca kebakaran yang sering direkodkan oleh Jabatan Bomba dan Penyelamat Malaysia (JBPM) termasuklah kecuaiannya menggunakan sumber haba seperti mancis, lilin, api dapur dan api rokok serta kecuaiannya dalam menggunakan peralatan elektrik. Pada masa yang sama kita hendaklah berusaha menghindari bencana tersebut dari berlaku. Dalam hal ini, Imam at-Tirmizi r.h telah meriwayatkan hadis daripada Anas bin Malik RA, beliau berkata:

قَالَ رَجُلٌ يَا رَسُولَ اللَّهِ أَغْقِلُهَا وَأَتَوَكَّلُ أَوْ أَطْلِقُهَا وَأَتَوَكَّلُ قَالَ : اءْغِقْهَا وَتَوَكَّلْ.

Maksudnya: “Seorang lelaki bertanya: “Wahai Rasulullah, adakah aku (perlu) menambatnya (unta) dan bertawakkal, atau aku biarkannya (unta) dan bertawakkal?” Baginda menjawab: “Tambatlah ia dan bertawakkallah”

Muslimin yang dirahmati Allah sekalian,

Berdasarkan statistik tahun **2019**, JBPM telah merekodkan sebanyak **50,689** panggilan kebakaran dan **66,376** panggilan menyelamatkan. Jumlah ini merupakan peningkatan sebanyak **5.9 peratus** berbanding tahun **2018**. Begitu juga kes kematian akibat kebakaran meningkat **19.8 peratus** dari tahun **2018** kepada **121 kes** kematian pada tahun **2019**. Keadaan ini amat membimbangkan dan perlu diberi perhatian yang serius oleh setiap lapisan masyarakat.



Oleh itu, mimbar ingin menyeru kepada hadirin sekalian supaya mengambil perhatian yang serius terhadap aspek pencegahan dan keselamatan kebakaran terutamanya di rumah kediaman. Antaranya:

- 1- Prihatin terhadap jeriji yang dipasang di rumah agar tidak menjadi perangkap maut apabila berlaku kebakaran.
- 2- Alat pemadam api perlulah disediakan.
- 3- Pemasangan alat pengesan asap juga amat digalakkan.
- 4- Masyarakat perlu terlibat secara aktif melalui program kesedaran dan latihan yang bersesuaian.

Sidang Jemaah Yang Dirahmati Allah,

Kesimpulan yang dapat diambil daripada khutbah hari ini ialah:

Petama: Musibah adalah ujian daripada Allah SWT kepada hamba-hambaNya agar kita bermuhasabah dan kembali kepadaNya.

Kedua: Kita hendaklah sentiasa dalam keadaan berwaspada bagi mengelakkan sebarang bahaya.

Ketiga: Kita hendaklah turut sama membantu pihak berwajib dalam memudahkan mereka melaksanakan tugas.

Marilah sama-sama kita hayati firman Allah SWT dalam Surah Yunus, ayat 12:

وَإِذَا مَسَّ الْإِنْسَانَ الضُّرُّ دَعَانَا لِجَنْبِهِ أَوْ قَاعِدًا أَوْ قَائِمًا فَلَمَّا كَشَفْنَا عَنْهُ ضُرَّهُ مَرَّ
كَأَن لَّمْ يَدْعُنَا إِلَى ضُرِّ مَسَّهُ كَذَلِكَ زَيْنٌ لِّلْمُسْرِفِينَ مَا كَانُوا يَعْمَلُونَ

Maksudnya: "Dan apabila seseorang manusia ditimpa kesusahan, merayulah dia kepada Kami (dalam segala keadaan), sama ada dia sedang berbaring atau duduk ataupun berdiri dan manakala Kami hapuskan kesusahan itu daripadanya, dia terus



membawa cara lamanya seolah-olah dia tidak pernah merayu kepada Kami memohon hapuskan sebarang kesusahan yang menyimpannya (sebagaimana dia memandang eloknya bawaan itu) demikianlah diperelokkan pada pandangan orang-orang yang melampau apa yang mereka lakukan”.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ
وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي
هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ،
وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ



Khutbah Kedua (Bulan Jun 2020)

أَلْحَمْدُ لِلَّهِ حَمْدًا كَثِيرًا كَمَا أَمَرَ،
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ،
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ.

Sidang Jumaat Yang Dirahmati Allah,

Saya berpesan kepada tuan-tuan dan diri saya sendiri, supaya bertakwa kepada Allah SWT dengan mematuhi segala perintah-Nya dan menjauhi segala larangan-Nya.

Pada saat yang penuh barakah ini, marilah kita berselawat ke atas Nabi Muhammad ﷺ sebagai melaksanakan perintah Allah SWT dalam surah Al-Ahzab, ayat 56:

{ إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا }
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ. كَمَا صَلَّيْتَ
وَسَلَّمْتَ وَبَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ
حَمِيدٌ مَجِيدٌ.



اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ الْاَحْيَاءِ مِنْهُمْ
وَالْاَمْوَاتِ. اَللّٰهُمَّ اَرِنَا الْحَقَّ حَقًّا وَاَرْزُقْنَا اتِّبَاعَهُ وَاَرِنَا الْبَاطِلَ بَاطِلًا وَاَرْزُقْنَا
اجْتِنَابَهُ، بِرَحْمَتِكَ يَا اَرْحَمَ الرَّاحِمِيْنَ.

اَللّٰهُمَّ اَنْزِلِ الرَّحْمَةَ وَالسَّكِيْنَةَ وَالسَّلَامَةَ وَالْعَافِيَةَ عَلٰى مَلِكِنَا، كباوه دولي بيغ مها
موليا سري قادوك باكيندا بيغ دفتوتوان اكوغ ك-انم بلس، اَلسُّلْطَانُ عَبْدُ اللهِ
رِعَايَةُ الدِّينِ الْمُصْطَفٰى بِاللّٰهِ شَاهِ ابْنِ الْمَرْحُومِ سُلْطَانِ حَاجِ اَحْمَدُ شَاهِ
اَلْمُسْتَعِيْنِ بِاللّٰهِ، وكذلك مولانا توان بيغ تراوتاما تون داتوء سري اوتاما دكتور
حاج عبد الرحمن بن حاج عباس، بيغ دفتوتوا نكري قولاو فينغ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللهِ ! إِنَّ اللهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ. فَادْكُرُوا اللهَ الْعَظِيمَ يَذْكُرْكُمْ
وَأَشْكُرُوهُ عَلَى نِعَمِهِ يَزِدْكُمْ وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللهِ أَكْبَرُ وَاللهُ
يَعْلَمُ مَا تَصْنَعُونَ.